


Ka Rukom Pynmih

Riewhadem Hybrid



Ka Lamphrang

U hybrid u kynthup ia uno uno u jingthung uba ju pynmih da kaba pyniashong khleh ia ki artylli ki jingthung kiba iapher iwei na iwei ha ka rukom long rukom san jong ki. U jingthung hybrid uba pynmih da kumne haba ia nujor bad ki jingthung kmie bad kba, u kham heh kham sam bha ban iaki

Te namar kane ka daw la pynmih ruh ia ki hybrid ha u riewhadem.

Ki Jingmyntoi na u Hybrid

Ki jingmyntoi na u hybrid ki long kumne:

1. Ka jinglah ban pynmih kham bun ki symboh kiba kham heh bad kham shngiam
2. Ki kham khlain bor bad ki lah ban iaishah bad lait na ki jingpang bad jingshah pynjot ha ki khniang kiba lah ban pynjulor ia kiwei pat
3. Ki kham pher ha ka rukom long jong ki kum ka jingjrong, ka jinglah ban pynmih soh kham kloj bad kiwei de
4. Ka jingthung ki ih ha ka juh ka por bad kane ka iarap ban ioh kheit ia ki ha ka por kaba biang

Ka Jingdonkam ha kaba pynmih ia u Riewhadem Hybrid

- Ka suin bneng ka dei ban long kaba khuid bad ba shai ha ka por

- ba pynmih ia ki symbai.
- Ka jakathung ia ki jingthung ban pyniashong khleh ka dei ban long kaba jan khnang ban lah ban leit khmih ia ki jingthung ha kano kano ka por
 - Ka jingngai ka kper pynmih symbai hybrid na kiwei pat ki kper thung riwhadem ka dei ban long 400- 500 m. kane ka long kaba don kam bha ban ioh u symbai uba paka
 - ka rukom thung ia ki jingthung shynrang (Kpa)bad kynthei (Kmie) ka dei ban long ha ka bhah 1:3 lane 1:4
 - Ka por thung ia ki jingngthung ban pyniashong khleh ka dei ban long ha por ban lait na ka jingjur u slap ha ka por ba mih syntiew

- U jingthung kmie u dei ban pynmih syntiew kham ha shuwa u jingthung shynrang te dei ban thung shuwa ia u jingthung kmie bad sa bud sa u shynrang hadien kato katne sngi
- Dei ban ai sboh bha ia ki jingthung bad ia ki niut ki niar dai ban phut
- Ym dei ban don da kiwei pat ki jait hadem ha kper lait noh tang kito ki ar jait ban pyniashong khleh

KA Rukom Pyniashong Khleh ia ki Jingthung Shynrang Bad Kynthei:

Hadien ba la dep thung ia ki riwhadem shynrang bad kynthei ban pyniashong khleh ha ka bhah ba tikna dei ban:

- Phut lut ia u syntiew shynrang na ki riwhadem kiban long kmie ha ka por


- ba ki syntiew kim pat pynmih pui- pui
- Dei ban phut ia kine ki syntiew shynrang na ki hadem kmie haduh 8-10 sngi
 - Ha ka por ba leh ia kane dei ban bat skhem ia u syntiew napoh bad sa phut ia u da ka kti kamon`
 - Ym don kam ban leh ia kane ha ki riwhadem kiban long kpa(Shynrang)
 - Da kaba leh kumne ynda ki syntiew shynrang ki ka san bha ha u riwhadem shynrang ki pui pui na u kin mih bad kin leit hap ha ki syntiew khyntei kiba don ha ki riwhadem kmie(Riwhadem ba la phut lut ki syntiew shynrang)
 - Da kaba leh kumne yn ioh u riwhadem

- hybrid lane u riewhadem ba la pyniashong khleh da ar jait ki hedem bap her iwei na iwei
- Lada don kiwei pat ki riewhadem ha kper lait noh kito ban pyniashong khleh dei ban phut lut ia ki
 - U symbai riewhadem hybrid un don ha u jingthung kmie
 - Dei ban kheit ia ki riewhadem hadein ba ki la ih bha bad ka jingshong sngem ha ki symboh ki dei ban long 20%
 - Thad ia ki riewhadem haduh ba ka jingshong sngem ka hiar sha 12%
 - Nangta sa khlung lut ia ki symbai bad sa thep ia ki ha ki pla ban lait na ka jing ia khleh bad kiwei pat ki symbai

Ki Kyndon Ba Dei Ban

Phikir:

- Ym dei ban doh kiwei pat ki jait riewhadem ha jan ka kper lait noh tang kita ki jingthung ba thmu ban pyniashong khleh
- Dei ban phut lut ia ki syntiew shynrang na ki riewhadem kmie khnang ban ioh u symbai hybrid uba paka na ka jingpyniashong khleh
- Ha kapor ba lum ia ki symbai dei ban phikir ban ym don ka jingiakhleh bad kiwei pat ki bym dei ki hybrid



Ka Jingphut noh ia u syntiew shynrang na u Riewhadem Kmie khnang ha ka jingpynmih ia u hybrid

La lum bad wad jingtip da:

Herbert P Kharkongor

Farm Manager

And Smt.Mariana Dkhar

Programme Coordinator

La pynmih da:

Programme Coordinator,

KVK, West Khasi Hills,

Nongshillong, Meghalaya

Na ka bynta ka jingtip ba kham bniah, iakynduh ia ki Officers ka KVK, West Khasi Hills

